

ՀԱՂՈՐԴԱԿՑԿՈՒՄ ԵՆՔ ; - Ծ



ԳԼՈՒԽԿՈՏՐՈՒԿԻ ՄԱՍՆԻԿՆԵՐ

- Ե՞րբ կարող ենք օգտվել գրուցարանից,-Աննան հարցրեց Հելենին՝ հուզված վերիվար ցատկոտելով:

Հելենը Աննային ու Ալեքսին խնամում է, երբ նրանց ծնողները տանը չեն: Նրանք ավարտել են իրենց տնային աշխատանքը և որոշել են միասին նստել ու իրենց հատկացված կես ժամը օգտագործել էլ. փոստի ու գրուցարանի մասին նոր բաներ սովորելու համար: Աննան հատկապես շատ է ուզում գրուցարանով հաղորդակցվել, քանի որ արձակուրդի ընթացքում ընկերացել է Ջեննի անունով մի աղջկա հետ, որը ապրում է Անգլիայում: Վերջինս նրան տվել է իր գրուցարանի հասցեն:

- Կարող եք սկսել հաղորդակցվել գրուցարանում հենց որ ունենաք էլ. փոստի և գրուցարանի հասցեներ, - ժպտալով ասաց Հելենը:

- Ի՞նչ բան է էլեկտրոնային գրանցումը,-հարցրեց Աննան:

Հելենը նրան բացատրեց.

- Համացանցից դուրս՝ իրական աշխարհում, երբ դու բաժանորդագրվում ես ամսագրի կամ ձեռք ես բերում մարզասրահի անդամատոմս, դու լրացնում ես ձևաթուղթ՝ նշելով տեղեկություններ քո մասին: Նույնը պահանջվում է անել էլ. փոստի կամ գրուցարանի ծառայություններից օգտվելու համար: Ընտրում ես ծառայությունը, ասենք, yahoo, hotmail, gmail, msn կամ icq, ապա՝ գրանցվում ու այդպիսով անդամագրվում տվյալ ծառայությանը:

Նշե՛ք, թե հետևյալ տեղեկությունները ■ խիստ գաղտնի ■ բավականին գաղտնի ■ ոչ այնքան գաղտնի

ՀԵՌԱՆՈՍԻ ՀԱՄԱՐԸ ■ ■ ■

ՄԱՁԵՐԻ ԳՈՒՅՆԸ ■ ■ ■

ԱՆՈՒՆԸ ■ ■ ■

ԵՐԿԻՐԸ ■ ■ ■

ԴԴՐՈՑԸ ■ ■ ■

ՏԱՆ ՀԱՍՑԵՆ ■ ■ ■

ԸՆՏԱՆԻ ԿԵՆՂԱՆՈՒ ԱՆՈՒՆԸ ■ ■ ■

ԾՆՈՂՆԵՐԻ ՄԱՍՆԱԳԻՏՈՒԹՅՈՒՆԸ ■ ■ ■

ԷԼ. ՓՈՍՏԻ ՀԱՍՑԵՆ ■ ■ ■

ՆԿԱՐՆԵՐԸ ■ ■ ■

ՏԱՐԻԸ ■ ■ ■

-Այն տեղեկությունները, որ դու տալիս ես քո մասին ստեղծում են քո էլեկտրոնային նկարագիրը՝ անձնական էջը (profil e) -շարունակեց Հելենը:

-Երբ դու օգտվում ես համացանցից, քո անձնական էջը կամ քո մասին նշված տեղեկությունները կարող են հասանելի դառնալ տասնյակ, հարյուրավոր, հազարավոր և անգամ միլիոնավոր մարդկանց:

Տեսնելով Աննայի շվարած հայացքը՝ Հելենը փորձում է նրան բացատրել ևս մի քանի բան:

-Գիտե՞ս արդյոք «Գուշակի՛ր ո՞վ է» խաղը, որ մենք ժամանակին խաղում էինք: Երբ մարդու տարիքի, աչքերի գույնի կամ սանրվածքի մասին հարցերի միջոցով փորձում էին պարզել նրա ո՞վ լինելը:

-Ուրեմն մարդիկ փորձու՞մ եք պարզել, թե ո՞վ եմ ես,- անմեղ ձայնով հարցրեց Աննան:

- Երբեմն այո , -պատասխանեց Հելենը:

-Դու կարող ես առանց այդ մասին մտածելու քո մասին չափից շատ տեղեկություններ հայտնել այնպիսի մարդկանց, որոնց անգամ չես էլ ճանաչում: Անգամ եթե տալիս ես միայն քո կեղծանունը, էլ. փոստը, նկարը կամ էլ դպրոցի համարը, դա արդեն անձանոթների համար բավականին շատ տեղեկություն է: Ավելին, քան իրականում պետք է: Անձնական տեղեկությունները նման են փազլ խաղին: Փոքր կտորները իրար միացնելով, նույնիսկ եթե դրանք շատ են տարբերվում միմյանցից՝ անձանոթ մարդիկ, կարող են ստանալ ավելի մեծ և մանրակրկիտ, մանրամասնություններով լի նկար:

- Դա այնքան էլ հաճելի չէ,- հանգիստ ասաց Աննան:

- Ինչպե՞ս կարող ենք դա թույլ չտալ:

- Պարզապես համացանցից օգտվելիս եղի՛ր զգույշ, ինչպես իրական՝ ցանցից դուրս աշխարհում, - պատասխանում է Հելենը: Լրագրային կամ թերթի հոդվածում դու չես հրապարակի քո անունը, տարիքը, արձակուրդի ժամանակ արված նկարները և հեռախոսահամարը: Ոչ էլ նման տեղեկությունը կհրապարակես հայտարարության մեջ կամ գովազդային վահանակի վրա, որ բոլորը տեսնեն, այնպես չէ՛:

- Գիտեմ,-ասաց Աննան,-կարող եմ հորինել կեղծ տեղեկություններ իմ մասին: Կարող եմ ձևացնել, որ ուրիշ մարդ եմ... Ի՞նչ կասես դրա մասին:

-Լավ է,որմտածումես,-ասացՀելենը,-բայցքոանձնականտվյալներիպաշտպանությունըչինչանակում կեղծ տեղեկություններ տարածել քո ինքնության մասին: Դու այնուամենայնիվ պատասխանատու ես համացանցում քո կատարած յուրաքանչյուր գործողության ու արտահայտության համար:՝